



AVOKATI I POPULLIT

Adresa: Bulevardi: "Zhan D'Ark" Nr.2
Tiranë, Shqipëri



REPUBLIKA E SHQIPËRISË
AVOKATI I POPULLIT

Mekanizmi Kombëtar për Parandalimin e Torturës,
trajtimit ose dënimit të egër, çnjerëzor ose poshtëruës

Tel/Fax: +355 4 2380 300/319
E-mail: ap@avokatipopullit.gov.al
www.avokatipopullit.gov.al

Nr. Prot.
Nr. Dok. 201901654

Tiranë ___/___/2019

Lënda: Rekomandime për inspektimin e bërë në Komisaratin e Policisë nr. 5 Kamëz.

Drejtuar: Z. Altin LILA
Shef i Komisarariatit nr. 5

KAMËZ

Për dijëni: Z. Rebani JAUPAJ
Drejtor i Drejtorisë Vendore të Policisë

TIRANË

I nderuar Z. Lila,

Avokati i Popullit, në rolin e Mekanizmit Kombëtar për parandalimin e torturës, trajtimit ose dënimit të egër, çnjerëzor ose poshtëruës, në vijim Mekanizmi Kombëtar¹, bazuar në nenin 19/1 të ligjit nr. 8454, datë 04.02.1999, "Për Avokatin e Popullit", i ndryshuar, kreu një inspektim në Komisaratin e Policisë nr. 5 Kamëz.

Inspektimi u krye në datën 27.12.2019, sipas një Plani inspektimi të miratuar nga Avokati i Popullit. Në përbërje të grupit inspektues ishin znj. Nertila Qafzezi dhe z. Besnik Deda, me detyrë Nd/Komisionerë pranë Mekanizmit Kombëtar për Parandalimin e Torturës.

Inspektimi kishte si qëllim verifikimin e respektimit të standardeve të përcaktuara në ligjin nr.108/2014, "Për Policinë e Shtetit", Urdhrin e Drejtorit të Përgjithshëm të Policisë së Shtetit nr.925, datë 18.07.2019, për miratimin e procedurës standarde "Trajtimi dhe sigurimi i personave të arrestuar/ndaluar në ambientet e Policisë së Shtetit, evidentimi dhe zgjidhja e kërkesë/ankesave të tyre", Urdhrin e Drejtorit të Përgjithshëm të Policisë së Shtetit nr.306, datë 31.03.2016, për miratimin e procedurës standarde "Rregullat teknike të shoqërimit në polici", si dhe zbatimin e rekomandimeve të Avokatit të Popullit të bëra gjatë inspektimeve të mëparshme.

¹ Neni 74/1 i ligjit nr. 8328, datë 16.04.1998, "Për të drejtat dhe trajtimin e të dënuarve me burgim dhe të paraburgosurve", i ndryshuar.

Avokati i Popullit, pasi u njoh me konstatimet e grupit inspektues dhe nivelin e zbatimit të rekomandimeve të lëna nga inspektimi i vitit të kaluar, ka detyrimin kushtetues dhe ligjor t'ju parashtrojë konkluzionet përfundimtare, duke ju referuar si më poshtë vijon:

Shënime paraprake

Në përputhje me metodologjinë e zhvillimit të inspektimit në institucionet ku mbahen e trajtohen shtetas të privuar nga liria, grupi inspektues takoi z. Altin Lila me detyrë shef Komisarati i Policisë nr.5, i cili u vu në dijeni lidhur me qëllimin e inspektimit.

Z.Lila raportoi për grupin e inspektimit, mbi masat e marra për realizimin e rekomandimeve të lëna nga Avokati i Popullit vitin e kaluar, lidhur me përmirësimin e kushteve sipas procedurave standarde të ambienteve të shoqërimit dhe dhomave të sigurisë të këtij komisarati.

Gjithashtu Z.Lila angazhoi edhe punonjësit e policisë së ambjenteve të sigurisë dhe përgjegjës të ambjenteve të shoqërimit të këtij institucioni që të ishin prezent për të bashkëpunuar dhe për të shërbyer në vijim të procesit të inspektimit. Grupi inspektues, pasi mori informacionin e nevojshëm lidhur me qëllimin e inspektimit, vijoi takimin me punonjësin përgjegjës të dhomave të sigurisë dhe me punonjësin e dhomave të shoqërimit të cilët u bashkuan, gjatë evidentimit të kushteve të këtyre ambjenteve të Komisarati të Policisë nr.5.

Theksojmë se, punonjësit e Komisarati të Policisë nr.5 me të cilët kontaktua u treguan bashkëpunues gjatë komunikimit dhe inspektimit, që zhvilloi grupi inspektues në ambientet e këtij institucioni. **Grupi i punës në vijim inspektoi ambientet e shoqërimit, disa zyra të punonjësve të policisë, si dhe u njoh me dokumentacionin përkatës ku pasqyroheshin veprimet e kryera me personat e shoqëruar dhe të arrestuar apo ndaluar.**

Nga informacioni i grumbulluar në vend gjatë kryerjes së inspektimit, rezultoi se gjëndja faktike e ambientit të shoqërimit ishte e njëjtë si në inspektimin pararendës, ballafaquar me standardet e parashikuara në aktet normative dhe dokumentet ndërkombëtare, për respektimin e të drejtave të personave të shoqëruar, ndaluar/arrestuar brenda këtyre ambienteve.

Gjatë inspektimit u konstatua se **nuk ishin plotësuar rekomandimet e bëra nga institucioni i Avokatit të Popullit:**

- Marrjen e masave për **instalimin e sistemit të ngrohjes** me kaldajë në ambientet e shoqërimit dhe të sigurisë të Komisarati të Policisë nr.5 Kamëz dhe vënien e tij në funksionim në periudhën e dimrit.
- Marrjen e masave të nevojshme për **instalimin e sistemit të monitorimit** në ambientet e shoqërimit dhe sigurisë në këtë Komisarati
- Marrjen e masave **për krijimin e zyrave të përshtatëshme ku merren në pyetje** shtetasit gjatë kryerjes së veprimeve procedurale nga oficerët e policisë gjyqësore dhe instalimin e sistemit të monitorimit me kamera në këto zyra.

Ishte plotësuar rekomandimi

- **Kompletimi me shtretër** të dhomave të sigurisë të këtij Komisariati.

Në përfundim të inspektimit grupi monitorues konstatoi se, në ambientet aktuale në Komisaratin e Policisë nr.5, vazhdonin të ishin të pranishme disa problematika dhe konkretisht:

Ambientet e shoqërimit dhe kushtet e tyre

Në Komisaratin e Policisë Kamëz, ambienti i shoqërimit ishte në katin e parë të godinës dhe përbëhej nga 3(tre) dhoma shoqërimi, 1(një) për meshkujt madhorë 1(një) për femrat, dhe 1(një) për shoqërimin e të miturve.

Konkretisht në Komisaratin e Policisë Kamëz dhoma për të **shoqëruar / femra** ishte e pajisur me tualet brenda, me sipërfaqe dhe hapësirë të mjaftueshme për qëndrim, kishte dritare me skarë dhe rrjetë hekuri për sigurimin e ajrimit dhe të ndriçimit të plotë natyral, ishte e lyer rishtaz dhe e pastër, dhe ishte në përputhje me “Rregullat dhe Proçedurat Standarde për Trajtimin dhe Sigurimin e Personave të Arrestuar dhe Ndaluar në Njësitë Policore”, miratuar me Urdhrin e Drejtorit të Përgjithshëm të Policisë së Shtetit, respektimit të standardeve të përcaktuara në ligjin nr.108/2014, “Për Policinë e Shtetit”, Urdhrin e Drejtorit të Përgjithshëm të Policisë së Shtetit nr.925, datë 18.07.2019, për miratimin e procedurës standarde “Trajtimi dhe sigurimi i personave të arrestuar/ndaluar në ambientet e Policisë së Shtetit

Dy dhomat e shoqërimit për të mitur dhe të rritur ishin ndërtuar sipas kritereve të parashikuara në proçedurat standard, këto dhoma shoqërimi ishin me sipërfaqe dhe hapësirë të mjaftueshme për qëndrim. Ato kishin dritare me skarë dhe rrjetë hekuri për sigurimin e ajrimit dhe të ndriçimit të plotë natyral, ishin të lyera rishtaz dhe të pastra, dhe ishin të pajisura me orenditë e nevojshme, tavolina dhe karrige për të qëndruar ulur të shoqëruarit.

Njëra prej dhomave të shoqërimit (*dhoma që përdorej për shoqërimin e femrave*) **kishte tualet brënda në dhomë, ishte i pastër dhe me ujë të rrjedhshëm**. Ndërkohë të shoqëruarit meshkuj dhe të mitur, mund të **përdornin një tualet që ishte jashtë dhomave të shoqërimit i cili ishte i pastër dhe me ujë të rrjedhshëm**. Në momentin e inspektimit nuk kishte shtetas të shoqëruar. Në ambientin e shoqërimit **ishin vendosur postera me të drejtat ligjore të personave të shoqëruar**.

U konstatua se në këtë komisarariat **zbatohet detyrimi ligjor** i parashikuar në nenin 109/5 dhe 122/5 të ligjit nr. 108/2014 “Për Policinë e Shtetit”, i ndryshuar, si dhe në kapitullin VII, pika a.3.4 të proçedurave standarde për plotësimin dhe dhënien e proçesverbalit të veprimeve të kryera me të shoqëruarit nga punonjësit e policisë që ishin ngarkuar me detyrën e kryerjes së verifikimit dhe trajtimin e çështjes përkatëse.

U evidentuan disa praktika të njëpasnjëshme ku në përfundim të proçedurave dhe veprimeve të kryera nga punonjësit e policisë në Komisaratin e Policisë nr.5 mbaheshin proçesverbalet përkatëse ku një kopje e të cilit firmosej dhe i jepej personit të shoqëruar.

Regjistri i personave të shoqëruar, ndaluar/arrestuar dhe evidentimi i tyre

Në zbatim të Ligjit Nr.108/2014 “Për Policinë e Shtetit”, i ndryshuar dhe në procedurat standarde: “*Rregullat teknike të shoqërimit në polici*”, miratuar me Urdhrin e Drejtorit të Përgjithshëm të Policisë së Shtetit Nr.306, dt. 31.03.2016, çdo njësi policore që ka dhoma sigurie, duhet të jetë e pajisur, ndër të tjera, edhe me regjistrat përkatës. Regjistrat ishin të mbajtur në rregull.

Gjatë inspektimit u konstatua se në Komisarlatin e Policisë, nr.5, “Regjistri i evidentimit të të dhënave për personat e shoqëruar” ishte i tipit “Model nr. 1” konform me procedurat standarde: “*Rregullat teknike të shoqërimit në polici*”, miratuar me Urdhrin Nr. 306, dt. 31.03.2016 të Drejtorit të Përgjithshëm të Policisë së Shtetit dhe ishte i sekretuar.

Të gjithë personat e shoqëruar në organin e policisë sipas dispozitave të ligjit Nr. 108/2014 “Për Policinë e Shtetit” regjistroheshin në këtë regjistër nga punonjësit e zyrës së informacionit.

Nga këqyrja e këtij regjistri rezultoi se: Koha e qëndrimit në gjendje shoqërimi të shtetasve ishte e ndryshme nga 1 deri në 10 orë në raste të veçanta. Rubrikat e regjistrat ishin plotësuar në mënyrë korrekte, me përgjegjësi dhe saktësi nga punonjësit e policisë². Në këtë komisarlat ishte vendosur regjistri për personat e ndaluar/arrestuar, ku evidentoheshin të gjitha rastet e ndalimeve dhe arrestimeve të kryera nga punonjësit e këtij organi, i cili ishte i sekretuar.

Nga këqyrja e këtij regjistri rezultoi se në rastet e arrestimeve dhe të ndalimeve të personave të shoqëruar, ora e arrestimit/ndalimit përputhej me orën e shoqërimit të tyre në organin e policisë. Ndërkohë u konstatua se në këtë komisarlat kishte edhe regjistër për evidentimin e kërkesë/ankesave të personave të shoqëruar, të arrestuar dhe të ndaluar, sikurse parashikohet në nenin 115 të ligjit nr. 108/2014 “Për Policinë e Shtetit”, i ndryshuar, por nuk ishte evidentuar asnjë kërkesë apo ankesë.

Gjithashtu në Komisarlatin e Policisë nr.5 kishte edhe regjistër për takimet me avokatin ose prokurorin, regjistër të vizitave mjekësore, regjistër të shoqërimit të personave në ndaluar në gjykatë apo në institucione të tjera, regjistër të marrjes në pyetje dhe informacion në gjuhën shqipe dhe në disa gjuhë të huaja për të drejtat e personave të ndaluar ose të arrestuar.

Ambientet e sigurisë dhe kushtet e tyre

Në Komisarlatin e Policisë nr. 5 Kamëz në ambientin e sigurisë kishte 3 dhoma sigurie, me nga 2 (dy) krevate për secilën prej tyre. Ato ishin të ndara në dhoma për meshkuj madhorë, dhomë për femra dhe dhomë për të mitur, të cilat përdreshin vetëm për meshkujt madhorë. Ndërsa të arrestuar/ndaluar femra dhe të mitur dërgoheshin në ambientin e sigurisë në Drejtorinë Vendore të Policisë Tiranë.

² *Kreu VII, Procedurat standarde: “Rregullat teknike të shoqërimit në polici”, miratuar me Urdhrin Nr. 306, dt. 31.03.2016 të Drejtorit të Përgjithshëm të Policisë së Shtetit*

Dhomat ishin të ndërtuara sipas kërkesave të ligjit nr. 108/2014 “Për Policinë e Shtetit”, dhe Aktit të procedurës standarde “Për trajtimin dhe sigurimin e personave të arrestuar/ndaluar në ambientet e Policisë së Shtetit, evidentimi dhe zgjidhja e kërkesë/ankesave të tyre”, miratuar me Urdhrin e Drejtorit të Përgjithshëm të Policisë së Shtetit, Nr.1102, datë 07.11.2017.

Në ambientet e sigurisë **nuk kishte sistem ngrohjeje me kaldajë për dimër**, sikurse parashikohet në “Rregullat dhe Procedurat Standarde për Trajtimin dhe Sigurimin e Personave të Arrestuar dhe Ndaluar në Njësitë Policore”, miratuar me Urdhrin e Drejtorit të Përgjithshëm të Policisë së Shtetit, Nr.1102, datë 07.11.2017, “Për trajtimin dhe sigurimin e personave të arrestuar/ndaluar në ambientet e Policisë së Shtetit, evidentimi dhe zgjidhja e kërkesë/ankesave të tyre”.

Dhomat e ndalimit **nuk kishin zile të emergjencës**, që të mundësonte komunikimin me shërbimin e policisë në një moment nevojë të ngutshme. Në korridorin e ambientit të sigurisë nuk **kishte aparat telefonik fiks për t’u përdoruar nga punonjësit e shërbimit** në rastet e tentativave apo ngjarjeve të rënda me të ndaluarit/arrestuarit, për të kërkuar ndihmë dhe ndërhyrje të shpejtë.

Dhomat kishin burim rezervë energjie me gjenerator.

Brenda ambienteve të sigurisë **kishte dhomë për kryerjen e vizitave nga mjeku**, ishte e pajisur me krevat, tavolinë dhe karrige, kjo dhomë përdorej edhe **për takimin e të ndaluarve/arrestuarve me avokatët.**

Hyrja kryesore e ambientit të sigurisë, korridori i tij dhe hyrjet në dhomat e sigurisë **nuk monitoroheshin me kamera.**

Nga informacioni i dhënë nga punonjësit e policisë që shërbenin në dhomat e sigurisë dhe personat e arrestuar rezultoi se të ndaluarit/arrestuarit trajtoheshin me ushqim 3 (tre) herë në ditë sipas normave për trajtimin me ushqim të përcaktuar në Vendimin Nr. 189, datë 15.03.2017 “Për trajtimin me ushqim të punonjësve, të studentëve dhe të kursantëve në institucionet arsimore të Policisë së Shtetit, si dhe të shtetasve të ndaluar dhe arrestuar deri në sqarimin e pozitës së tyre”. Ushqimi përgatitej nga një subjekt privat në bazë të kontratës së lidhur me të.

Ndonëse në ambientet e sigurisë **nuk kishte ambiente kulti, të ndaluarve/arrestuarve që dëshironin u lejohej ushtrimi i riteve fetare brenda dhomave të sigurisë.** Nga informacioni i dhënë nga punonjësit e policisë dhe personat e arrestuar rezultoi se **të ndaluarve/arrestuarve u jepeshin produkte për ruajtjen e higjienës vetjake dhe të ambientit**, si sapun, detergjente, letra higjienike dhe letra për fshirjen e duarve dhe të fytyrës.

Në ambientin e sigurisë kishte 1 (një) person, grupi i monitorimit intervistoi personin e arrestuar, i cili konfirmoi se ishte trajtuar në mënyrë korrekte gjatë kohës së qëndrimit në ambientet e sigurisë dhe marrjes në pyetje nga oficerët e policisë gjyqësore.

Personi i intervistuar nuk pati pretendime për trajtim denigrues, jo human apo për ushtrim dhune fizike e psikologjike. Gjendja psikologjike e të intervistuarit ishte e qetë dhe nuk dëshmonte për pasoja të shkaktuara nga keqtrajtimi.

Shtetasi i intervistuar kishte dijeni për identitetin e punonjësve të policisë me të cilët kishte marrë kontakte dhe kishte kryer veprimet procedurale. Ai shpjegoi se, gjatë ndalimit/arrestimit edhe punonjësit e tjerë të policisë që kishin kontaktuar me ta, ishin identifikuar përpara tij duke u prezantuar me gjeneralitetet dhe detyrën që kryenin.

Personit të ndaluar/arrestuar ju ishin dhënë nga oficerët e policisë gjyqësore kopje të procesverbalit të ndalimit/arrestimit, të kontrollit personal dhe të letrës me të drejta. Ai kishte kontaktuar edhe me avokatin dhe ishte në pritje të procedurave gjyqësore lidhur me caktimin e masës së sigurisë dhe vlerësimit të arrestit. Gjithashtu i ndaluari konfirmoi se ishte trajtuar me ushqim dhe nuk kishte asnjë pretendim lidhur me këtë çështje.

Nga informacionet e grumbulluara gjatë vizitës nuk rezultoi asnjë rast i përdorimit të mjeteve të forcës dhe shtrëngimit fizik, si dhe asnjë rast i përdorimit të armëve të zjarrit nga ana e policisë ndaj shtetasve të ndaluar/ arrestuar me qëllim përmbushjen e një synimi të ligjshëm sipas dispozitave ligjore në fuqi.

Ambientet e intervistimit

Në mesin e aktuale në Komisarjatin e Policisë nr.5 oficerët e policisë gjyqësore për shkak të veprimtarisë së ngjeshur të punës dhe mungesës së kushteve **i kryenin veprimet procedurale me shtetasit përgjithësisht në zyrat e punës së tyre. Këto zyra nuk ishin të monitoruara me kamera dhe ndërkohë në këtë organ nuk kishte një ambient të veçantë intervistimi. Theksojmë se dhoma ku do qëndronte mjeku përdorues edhe për zyrën e marrjes në pyetje të shoqëruarve/ndaluarve nga oficerët e policisë gjyqësore.**

Lidhur me këtë fakt Avokati i Popullit nisur edhe nga inspektimet e mëparshme ka rekomanduar marrjen e masave për ndërtimin e zyrave të dedikuara ku merren në pyetje shtetasit gjatë kryerjes së veprimeve procedurale nga oficerët e policisë gjyqësore dhe instalimin e sistemit të monitorimit me kamera pranë tyre, por është konstatuar se sërish ky i fundit nuk është plotësuar³.

Proçesi i monitorimit filmik gjatë marrjes në pyetje të personave të shoqëruar dhe të ndaluar është një element parësor për mbrojtjen e të drejtave dhe lirive të njeriut, pasi ka efekt parandalues për kryerjen e veprave të dhunshme dhe të dënueshme, si nga ana e të shoqëruarve, ndaluarve apo arrestuarve, ashtu dhe nga vetë punonjësit e policisë së shtetit.

Në këtë komisarjat ishte krijuar një magazinë për administrimin dhe ruajtjen e provave materiale.

³ “Një sistem i monitorimit të vazhdueshëm i standarteve dhe procedurave të intervistave të policisë duhet vënë në zbatim, po ashtu; kjo kërkon një regjistrim të saktë të intervistave të personave në ambientet e policisë, të cilat, nëse është e mundur duhet të zhvillohen me pajisje regjistruese elektronike (audio dhe/video). Duhet të kërkohet që të regjistrohet në mënyrë sistematike koha kur ka filluar dhe mbaruar intervista, ndonjë kërkësë të bërë nga i ndaluari gjatë intervistës, si dhe të personave të pranishëm gjatë çdo interviste.”

Komisariat i Policisë nr.5 prej vitit 2018 posedon 3 dhoma të posaçme, për biseda apo intervistim me persona të mitur, dhe femrat të cilat janë viktimë e dhunës, trafikut etj. Për të përmirësuar trajtimin e këtyre të miturve në komisariat, si dhe për të shmangur riviktimizimin e tyre gjatë intervistimit, World Vision në poartneritet me organizatën Nisma për Ndryshim Shoqëror-Arsis, mbështeti Komisaratin e Kamzës për here të pare në Tiranë për krijimin e një hapësire miqësore për të miturit viktimë të trafikut etj. Kjo hapësirë konsiston në 3 ambiente të reja, 2 dhoma paralele të ndara sipas grupmoshës 0-14 vjeç dhe 14-18 vjeç dhe një dhomë ku ndodh ndjekja e procesit të intervistimit dhe regjistrimi për të dyja.

MKPT (Mekanizmi për Parandalimin e Torturës) e konsideron me rëndësi të veçantë faktin se bisedat me fëmijët dhe viktimat e trafikut femra, realizohen në një ambient të përshtatshëm i cili është i rregulluar në mënyrë të posaçme për zhvillimin e bisedave me fëmijët dhe femrat, pasi nga intervistimi i tyre në kushte dinjitoze shmanget dhe parandalohet traumatizimi i tyre.

Nga monitorimi që u bë në disa prej zyrave të punonjësve të policisë në godinën aktuale të Komisarimit të Policisë nr.5 Kamzë, nuk u gjetën sende, prania e të cilave të ekspozonte dhunë tek personat me të cilët ata kryenin veprime procedurale.

Ndihma juridike, psikologjike dhe kujdesi mjekësor

Në këtë komisariat zbatohet detyrimi ligjor i parashikuar në nenin 109/5 dhe 122/5 të ligjit nr. 108/2014 “Për Policinë e Shtetit”, i ndryshuar, si dhe në kapitullin VII, pika a.3.4 të procedurave standarde për plotësimin dhe dhënien e procesverbalit të veprimeve të kryera me të shoqëruarit nga punonjësit e policisë që ishin ngarkuar me detyrën e kryerjes së verifikimit dhe trajtimin e çështjes përkatëse.

Edhe në nenet 34/b. pika 2 dhe 251 të K.Pr.Penale parashikohet se të ndaluarit/arrestuarit duhet t’i jepet dhe të mbajë me vete një kopje të procesverbalit të ndalimit/arrestimit. Rezultoi se ndaj personave të shoqëruar nga punonjësi i policisë mbahej një procesverbal tip i emërtuar “*Formulari i raportit të Shoqërimit ose Ndalimit/Arrestimit*”.

Gjatë inspektimit, u konstatua se detyrimi ligjor për të njoftuar personat e ndaluar/arrestuar madhor që në mungesë të mundësive financiare për të pajtuar një avokat privat, kërkon ndihmë juridike, atij i ofrohej një avokat kryesisht dhe ishte krijuar mundësia për të kontaktuar me të.

Avokatët siguroheshin nga lista e avokatëve të dërguar nga organi i prokurorisë, e cila ishte e afishuar në zyrën e përgjegjës të ambientit të sigurisë. **Ndërsa për shtetasit e ndaluar/arrestuar të huaj ishin përgatitur postera me të drejtat e të ndalurve/arrestuarve në disa gjuhë të huaja dhe këto material gjendeshin edhe në gjuhën shqipe.**

Në rastet kur të ndaluarit/arrestuarit ishin të mitur, veprimet procedurale kryheshin në praninë e detyrueshme të avokatit mbrojtës të caktuar kryesisht dhe të psikologut i cili sigurohej në kohë nga Drejtoria Vendore e Policisë Tiranë dhe qëndronte i pranishëm derisa përfundonte procedura përkatëse.

Grupi i ekspertëve konstatoi se vizitat mjekësore nga ana e ndihmës mjekut kryheshin brenda afatit 12 orësh nga momenti i vendosjes së këtyre personave në këtë ambient, sikurse përcaktohet në *“Rregullat dhe Procedurat Standarde për Trajtimin dhe Sigurimin e Personave të Arrestuar dhe Ndaluar në Njësitë Policore”*, miratuar me Urdhrin e Drejtorit të Përgjithshëm të Policisë së Shtetit, Nr.1102, datë 07.11.2017, *“Për trajtimin dhe sigurimin e personave të arrestuar/ndaluar në ambientet e Policisë së Shtetit, evidentimi dhe zgjidhja e kërkesë/ankesave të tyre”*.

Mjeku i Drejtorisë Vendore të Policisë Tiranë ishte i pranishëm me kohë të pjesëshme në institucion, sipas nevojave mund të thirrej edhe jashtë orarit me qëllim që të kryente procedurat përkatëse në kohë.

Vizitat mjekësore ndaj të ndaluarve/arrestuarve, konstatimet, rekomandimet dhe mjekimet e dhëna pasqyroheshin në regjistrin e vizitave mjekësore. Gjithashtu hapeshin edhe kartelat mjekësore (kartelat ditore) të tyre, të cilat vendoseshin në fashikullin përkatës për çdo të ndaluar/arrestuar.

Gjatë inspektimit u konstatua se edhe në korridoret e godinës të këtij komisariati ishin afishuar postera me të drejtat ligjore të personave të shoqëruar në organin e policisë dhe të personave të ndaluar/arrestuar.

Për sa më sipër dhe me qëllim zgjidhjen e problemeve të konstatuara gjatë këtij inspektimi, bazuar në pikën 3 të nenit 63 të Kushtetutës ku parashikohet se: *“Avokati i Popullit ka të drejtë të bëjë rekomandime dhe të propozojë masa kur vëren shkelje të të drejtave dhe lirive të njeriut nga administrata publike”* dhe në bazë të nenit 21/b të ligjit nr. 8454 dt.04.02.1999 *“Për Avokatin e Popullit”*, i ndryshuar, ku përcaktohet se: *“Avokati i Popullit paraqet rekomandime për vënien në vend të së drejtës së shkelur tek organi administrativ, që, sipas tij ka shkaktuar shkelje të të drejtave dhe lirive”*,

Për sa më sipër dhe me qëllim zgjidhjen e problemeve të konstatuara gjatë këtij inspektimi, bazuar në pikën 3 të nenit 63 të Kushtetutës ku parashikohet se: *“Avokati i Popullit ka të drejtë të bëjë rekomandime dhe të propozojë masa kur vëren shkelje të të drejtave dhe lirive të njeriut nga administrata publike”* dhe në bazë të nenit 21/b të ligjit nr. 8454 dt. 04.02.1999 *“Për Avokatin e Popullit”*, i ndryshuar, ku përcaktohet se: *“Avokati i Popullit paraqet rekomandime për vënien në vend të së drejtës së shkelur tek organi administrativ, që, sipas tij ka shkaktuar shkelje të të drejtave dhe lirive”*,

REKOMANDOJMË:

1. Marrjen e masave të nevojshme për krijimin e zyrave në Komisaratin e Policisë nr.5 ku merren në pyetje personat e ndaluar/arrestuar para se të dërgohen në ambientet e sigurisë dhe instalimin e sistemit të monitorimit me kamera në këto ambjente.
2. Marrjen e masave të nevojshme për vendosjen e pajisjeve të sigurisë (sisteme me kamera audio-vizive) për monitorimin e ambienteve të brëndshme dhe të jashtme të dhomave të shoqërimit dhe të sigurisë, si dhe veprimeve të punonjësve të policisë me personat që ndodhen në këto mjedise policie.

3. Marrjen e masave për instalimin e sistemit të ngrohjes me kaldajë në ambientet e shoqërimit dhe të sigurisë të Komisarariatit të Policisë nr.5 Kamëz dhe vënien e tij në funksionim në periudhën e dimrit, sipas kërkesave Aktit të procedurës standarde: “Rregullat teknike të shoqërimit në polici”, miratuar me Urdhrin Nr.306, datë 31.03.2016 të Drejtorit të Përgjithshëm të Policisë së Shtetit, dhe Aktit të procedurës standarde “Për trajtimin dhe sigurimin e personave të arrestuar/ndaluar në ambientet e Policisë së Shtetit, evidentimi dhe zgjidhja e kërkesë/ankesave të tyre”, miratuar me Urdhrin e Drejtorit të Përgjithshëm të Policisë së Shtetit Nr.1102, datë 07.11.2017.
4. Marrjen e masave për instalimin në dhomat e sigurisë të sistemit (buton dhe zile) për njoftimin e punonjësve të policisë nga të arrestuarit/ndaluarit në rast nevoje dhe vendosjen e aparatit telefonik fiks dhe citofon në korridorin e ambientit të sigurisë për t’u përdoruar nga punonjësit e shërbimit në rastet e tentativave apo ngjarjeve të rënda me të ndaluarit/arrestuarit, për të kërkuar ndihmë dhe ndërhyrje të shpejtë.

Për qëndrimin që do të mbani dhe masat që do të merrni në zbatim të këtij rekomandimi, të vihemi në dijeni brenda afatit 30 ditor sipas nenit 22 të ligjit Nr. 8454, datë 04.02.1999 “Për Avokatin e Popullit”, i ndryshuar

Duke besuar në mirëkuptimin dhe bashkëpunimin tuaj.

KOMISIONER

ERMONELA XHAFA

Konc.&Dok
Nertila Qafzezi
Besnik Deda